



Broj: 01-GV-02-800-1/18
Datum, 27.06.2018. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo”, broj 28/09), na 17. sjednici Gradskog vijeća Grada Sarajeva, održanoj 27.06.2018. godine, **gradski vijećnici Velija Katica i Nuko Grebović** uputili su **inicijativu** kako slijedi.

Podnosi se inicijativa za podršku projektu Sarajevskog dječjeg hora „PRINCESS KRAFNE” (izrada 11 CD-a „Zašto volim ovaj grad” sa pjesama posvećenim gradu Sarajevu, nastalim u periodu 1993-2017 godina) putem Pokroviteljstva Grada Sarajeva.

Sarajevski dječiji hor „PRINCESS KROFNE” postoji i djeluje od 1993. godine. Scenskim nastupima i originalnim repertoarom koji obuhvata autorske kompozicije, pjesme za djecu, tradicionalne bosanskohercegovačke pjesme, domaće i svjetske pop-rok hitove, hor "PRINCESS KROFNE" postao je zaštitnim znakom u izvođačkom i autorskom smislu na prostoru BiH i van njenih granica, odgajajući generacije mlađih od kojih su se mnogi i u profesionalnom smislu danas odredili prema muzici. U proteklih 25 godina, članstvom je kroz hor svojim prisustvom počastilo preko 5.500 djece uzrasta od 4-18 godina. Svoje programske aktivnosti hor realizira kroz:

- koncertne aktivnosti u i van Bosne i Hercegovine (preko 2000 koncerata i nastupa),
- snimanjem studijskih audio i video materijala (10 CD-ova i 3 DVD-a sa 20 spotova),
- učestvovanjem na festivalima dječjeg muzičkog stvaralaštva i festivalima za mlade u Evropi i čitavom svijetu od Ankare, Istambula, Antalije, Šibenika, Tirane, Verone, Rima, Clermond, Ferranda, Roterdama, Štutgarta, San Rema, Podgorice, Zagreba, Beograda, Kopera...

Bili su gosti na velikim koncertima autora i izvođača iz regije: Kemala Montena, Arsena Dedića, Dine Merlina, Harija Mata Harija, Tonija Cetinskog, Miroslava Ilića, Gorana Bregovića, Zdravka Čolića, Jelene Rozge, Jelene Tomašević, "CRVENE JABUKE" "PRLJAVOG KAZALIŠTA", "PLAVOG ORKESTRA", te učesnici mnogobrojnih humanitarnih i kulturno-sportskih manifestacija.

J.P.PTT SAOBRAĆAJA BiH, nastojeći obilježiti odlazak "PRINCESS KROFNI" na festival u Ankaru 1996. godine, uvrstilo je dječiji hor na jednu od svojih prigodnih poštanskih markica.

Sarajevski dječiji hor registrovan je od 1999. godine kao Udruženje građana "PRINCESS KROFNE". Prema mišljenju relevantnih kulturnih i javnih radnika, pedagoga, roditelja, a prije svega djece članova, "PRINCESS KROFNE" jesu kvalitetna vannastavna aktivnost i postoji više elemenata da i dalje nastave na ovaj način:

- veliki interes djece i roditelja (odraslih) za ovaku vrstu aktivnosti;
- promocijom tradicionalnih, pjesama za djecu, autorskih kompozicija hora, domaćih izvođača i autora i izvođača i autora iz regije i čitavog svijeta, popularnu muziku još više približiti djeci, sve one vrijednosati koje ta vrsta muzike donosi u tekstualnom i muzičkom smislu;
- otvaranje mogućnosti da djeca ostvaruju nove kontakte, druženja, te upoznavanje novog i drugačijeg.

U period od maja do septembra ove godine, realizirat će se i organizirati promocija 11 CD-a "ZATO VOLIM OVAJ GRAD" sa četiri pjesme posvećene Sarajevu, na tekstove Velimira Miloševića, Mirsada Bećirbašića i Zlatka Bostandžića koje su nastale u periodu 1993-2017 godine kao jedna vrsta podsjetnika i dokumenta za sve ono što se dešavalo u

proteklom periodu Sarajevu i Bosni i Hercegovini. Ovaj projekat je uvod u pripremu obilježavanja 25. godina njihovog rada i djelovanja, a obilježavanje godišnjica se planira krajem godine velikim koncertom u Sarajevskoj dvorani "MIRZA DELIBAŠIĆ".

Sva programska orijentacija hora usmjerena je predškolcima, učenicima osnovnih i srednjih škola uz besplatnu podjelu CD-ova "PRINCESS KROFNI " i besplatan ulaz na sve koncerte.

Gradska uprava je svih proteklih godina kroz razne projekte, podržavala njihov rad.

Prijedlog je da Grad Sarajevo izdvoji 20.000,00 KM kao generalni pokrovitelji projekta 11 CD-a "ZATO VOLIM OVAJ GRAD " sa pjesmama posvećenim gradu Sarajevu i najmlađim sugrađanima.

Gradsko vijeće je podržalo inicijativu, te je ona postala inicijativom Gradskog vijeća Grada Sarajeva.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- Gradonačelniku,
- evidenciji,
- a/a